



單方彙義

全

武
578



武門
578
卷

異方圖彙

單方彙纂義



單方彙纂序
客歲毒疫之行也伊豫小松醫貞和爾子讓單用湯
泡巴豆以療之從試從驗是法也初受之於佐伯並
河濟民既而手甚熟乃有所撰著屬序余余每用消
黃療此病竊歎世醫用補之陋故於子讓之術深有
取焉乃序曰瀉下之藥不下數十種而其資雄其力
駛可以療乾霍可以殺三虫投之于積聚而破其結
投之于滯飲而疎其滯飛尸鬼擊得之而甦府藏閉
絕得之而通能奏斬將奉旗之績於逡遁咄嗟之際
者唯巴豆爲然是何也蓋惟其資之雄足以抵當劇



單方彙序
邪而傾覆其巢窟惟其力之馱可以氣勢一過疎滌
無留矣此子讓之所以特有取于此物歟且熱湯擺
用本于之張長沙走馬湯而其力之勁以急一瀉之
餘其氣與邪俱去無復嫌其爲熱則其爲功亦奇矣
余故于是編深嘉濟民之能徵于古而子讓之能成
其美焉嘗以是語客客或疑余之每多用消黃而稀
用此物則姑譬之用兵奇正不一緩急不均而要我
之操縱是依若見奇正之或異而欲定勝敗強弱于
其間其謂之能知將略者乎併書以質于讓萬延庚
申四月旣望丹波元琰希溫識存誠藥室

單方彙義序

聖人有言事前定則不困道前定則不窮擇善而固
執者誠一之道也我醫之爲事雖繫元元軀命本屬
一技固不足伍之經邦大道而苟其所以守誠守一
者豈有二途乎雖小道必有可觀者其斯之謂歟昨
歲已來暴病流行劇症突出不待頃刻比屋積尸不
勝俚指酸楚痛悼殆不可得而遏焉意本邦昌平
之久醫術日闡莫診而不詳焉莫治而不具焉獨此
一証有未全備者豈可不謂缺典乎伊豫小松匙醫
和爾忠胤嘗遊於余門性頗聰慧好學不倦深研究

軒岐之術也以斯 侯擢之伍中增加祿秩以在今
職蓋藩封雖小也正大高明最堪景慕風教之隆化
育之敦可從而識焉今歲祇役于都邸携其所著單
方彙義一篇來訪余甕牖以求斧正且請一言以弁
於其首余取而讀之以一單方治嚮所謂突出劇症
穿鑿剔抉殆極其精况涉獵經傳以備考證不一而
足藍青水冰不虛譽矣可謂擇善而固執者也蓋診
視前定則臨事而莫有困惑之患治方前定則看病
而莫有束手之窮此編雖瑣瑣小冊也補未備之缺
典其濟生之功蓋不可勝而計焉苟不守誠守一者

而能如斯乎余客歲著暴病管見鈔錄古籍附以臆
見及門諸子刻之家塾今胤亦有此舉也可謂我苟
有志而有復能贊成者而已胤將活字刷印以公于
世余殊賞其救濟之意慇懃不已胤志益果矣於是
記之顛末以為緒言安政己未初冬之吉 拜
謁醫生田宮尙施禮卿題于東都仲橋之槐齋葯室

單方彙義引用書目

神農本草經

張機傷寒論

張機金匱要畧方

華佗中藏經

葛洪肘後方

孫思邈千金方

孫思邈千金翼方

王燾外臺秘要方

張銳雞峰普濟方

聖濟總錄

大觀證類本艸

惠民和劑局方

張景醫說

陳言三因方

王碩易簡方

許叔微本事方

楊倓楊氏家藏方

嚴用和濟生方

施發續易簡方

劉昉幼幼新書

蘇沉良方

王璆百一選方

錢乙小兒直訣

寇宗奭本草衍義

以上自漢至宋凡二十四部

單方彙義
 卷之四
 雜論
 和爾忠胤子讓著

單方彙義

豫州小松 和爾忠胤子讓著

總論

客歲戊午自初秋至初冬奇疫大行於天下死亡者
 不知其幾千萬人矣今歲亦然蓋天下一大厄也其
 為病吐瀉厥冷肉脫筋惕頃刻脈絕環視待死暴卒
 莫劇焉治術亦莫緊焉世醫迷亂失措束手於無奈
 而待其倒者比比皆是不可勝哀也余有深慨于此
 也是以潛心苦思以求所救治之法竊意有斯病也
 必有斯藥矣故凡有名於治術其可攀援者莫不從

而聞其施用而愈聞愈雜似無有統紀也聞有並河
濟民者豐州佐伯侍醫也尤善治暴病會其來在江
戶一日相見而叩其蘊濟民曰於治是乎何有余初
誤治斃十數人後用巴豆活數百人有善用巴豆者
蓋百不失一也余聞之喜而未遽信也既而驗之於
一人忽然如醉回陽於反掌中而吐瀉筋惕亦自止
後隨症調治而全愈驗之數人莫不皆然雖症有小
異同而一時迴瀾之力唯一味巴豆任之有餘何其
簡且易也趨質之吾山宮先生先生擊節嘆賞曰善
哉先得我心之所同然者歟余於是彌信其說而允

其術并知自有斯病而有斯藥之說不墜妄想也嗚
呼濟民所發明苟能擴之天下其功大爲如何也曩
者先生著暴病管見尤爲至寶然非學有淵源未遽
易論其運用之妙也此篇單刀直入極簡極明尤淺
學之所易與而世醫多以巴豆爲劇毒峻藥恐怖不
敢用也蓋未詳其功用也故余不自量舉古人用巴
豆之功用於後以示暴病之不可欠此物決非可恐
怖也庶幾治暴病之一助云爾

此藥功用最廣... 凡患此症者... 宜早服之... 效如神... 此藥之妙... 不可言喻... 凡患此症者... 宜早服之... 效如神... 此藥之妙... 不可言喻...

治法

巴豆肥實者一枚

右去皮絹裏研碎安碗中投百沸滾湯三勺用本邪現今分
 量急攞拌之須臾絞去滓乘熱服之不待頃刻攣者
 自伸冷者自溫困者自安死者自活寔救人一瞬間
 之良方不應恐其劇烈而猶豫之謹舉古哲投此藥
 之妙用以爲徵如左

神農本草經

巴豆一名巴椒味辛溫生川谷治傷寒溫瘧寒熱
破癥瘕結堅積聚留飲淡癰大腹水脹蕩練五藏
六府開通閉塞利穀道去惡肉除鬼蠱毒注邪物
殺蟲魚

傷寒論

白散方

桔梗三分 巴豆一分 貝母三分

右件三味為末內巴豆更於臼中杵之以白飲和
服強人半錢羸人減之病在膈上必吐在膈下必

利不利進熱粥一杯利過不止進冷粥一盃
金匱要略

外臺走馬湯 治中惡心痛腹脹大便不通通治
飛尸鬼擊病

巴豆 二枚 去皮 杏仁 二枚

右二味以綿纏搥令碎熱湯二合捻取白汁飲之
當下老少量之

中藏經

起卒死救生丹

大黃 半兩 濕紙裹煨 膩粉 半兩 硃砂 一分

雄黃 一分 巴豆 七箇 去皮出油

右用鯽膽汁丸雞頭大用童子小便下一丸擀開口灌之內大葱尾一寸許入鼻中如人行五七里當吐出涎即活

肘後方 飛尸入腹刺痛死方凡犀角射罔五注丸
並是好藥別在大方中治卒有物在皮中如蝦蟇
宿昔下入腹中如杯不動搖掣痛不可堪過數日
即殺人方巴豆十四枚龍膽一兩半夏土瓜子各
一兩桂一斤半合搗碎以兩布囊貯蒸更番以熨
之亦可煮飲少少服之

右四味擣篩蜜和丸如小豆先食服二九日一服
同 許仁則云霍亂有兩種一名干霍一名濕霍干
霍死者多濕霍死者少俱繇飲食不節將息失宜
干霍之狀心腹脹滿攪刺疼痛煩悶不可忍手足
逆冷甚者流汗如水大小便不通求吐不出求利
不下須臾不救便有性命之慮濕霍之狀心腹亦
攪痛諸候有與干同但此痢無限此病始得有與
天行相似者亦令頭痛骨肉酸楚手足逆冷四體
發熱干霍大小便不通煩寃欲死宜急與巴豆等
三味丸服之服取快利方

巴豆一百枚熬 干姜三兩崔氏以芒消

右藥先擣干姜大黃爲散後別擣巴豆如膏和前

二味同擣令調細細下蜜丸以飲下初服三九如

梧子火服訖數按肚令轉動速下利良久不覺則

以熱飲投之又良久不利更服一丸須臾當利利

後好將息食飲寒溫以意取適如渴者煮漿粥少

少啜之

同 深師療欬方

巴豆炮去殼

白飲吞下初日飲服二枚二日三枚良忌野豬肉

救生丹 消酒食化滯氣宣利胸膈

丁香 木香 肉桂 各一兩 白姜 半斤燒存性

巴豆 十五粒去皮用油煎令黑色為度 大甘艸 七錢燒存性

右細末酒糊為丸如棗豆大每服七圓茶酒任下

同 保安圓 治酒食所傷積滯不化或渴欲引飲

胸中痞塞大便秘結腹痛不可忍者

巴豆 半兩去皮心一向研細紙裏去油了入衆內同研 黃連 去毛

青皮 去白剉 蓬莪茂 干姜 炮各一兩

右為末醋糊為圓如麻子人朱砂為衣每服七圓食前熱水下霍亂吐瀉煨生姜湯下小兒三圓心

氣痛醋湯下白利干姜湯下赤痢甘草湯下

雞峯普濟方

杏仁元 治瀉兼治吐

杏仁 巴豆 去油等分

右令和勻麵糊為元如麻子大米飲下一元不以時

同 黑霜元 治吐瀉霍亂

巴豆 一個去油 百草霜 三錢

右同研令勻湯浸饊餅為元芥子大水瀉冷水一元霍亂吐瀉不定者同蟬殼一個為末冷水調下

一元忌熱物只一服便差

大觀證類本草

巴豆一切病泄壅滯除風補勞建脾開胃消痰破血排膿消腫毒殺腹藏虫

巖氏濟生方

丹砂圓 治蠱毒

雄黃

別研

朱砂

別研各半兩

藜蘆

略炒

鬼臼

巴豆

去皮心油各一分

右爲細末煉蜜爲圓如棗豆大每服三圓空心煎干姜湯送下當轉下惡物并蠱等當煩悶後以鴨

羹食之

楊氏家藏方

針頭圓 治水瀉積痢

杏仁

四錢十枚

巴豆

十枚去油

砒 二字別研

艸烏頭

二枚燒

百草霜

四錢

右件爲細末酒煮蠟一兩和圓如芥子大每服伍圓小兒參圓赤痢煎甘艸湯下白痢乾姜湯下赤白痢甘艸乾姜湯下水瀉米飲下食前同 木香圓 治小兒宿滯不消心下堅滿腹脇脹痛下利少食

丁香 三錢

肉豆蔻 三錢 麩裏煨香

五靈脂 一錢

木香 一錢 半

巴豆 二枚

右件為細末次入巴豆霜研勻煮麵糊和圓如黍米大每服二十粒陳橘皮湯送下食後臨卧

同 丁香內化圓 治食積腹痛兼治冷痢

巴豆 一兩 大殼針穿 燈焰上燒存性 烏梅 二兩 去殼 丁香 三兩 不見火

縮砂 四兩 去皮 胡椒 五兩

右為細末用陳米飯搜和杵千餘下圓如小梧桐子每服米粒溫水下不拘時候

同 朱砂圓 治大人小兒暴下水瀉及積痢

杏仁 二十粒 湯浸去皮尖 巴豆 二十粒 去心 膜油令盡

右件研細蒸棗肉為圓如芥子大朱砂為衣無服一圓倒流水下食前

和劑局方丁香圓

治積滯不消心腹堅脹痰逆嘔噦噫氣吞酸脇肋刺痛膈胸痞悶或翻胃惡心食飲不下氣上衝胸痞噎不通及食癥酒癖血痕氣塊時發刺痛全不思飲食並背治之如常服消飲食行滯氣
丁香木香猪牙皂角去皮炙焦黑肉桂去鱗皮乾姜炮去皮臍京三稜炮擣碎蓬莪朮濕紙裏慢火

煨令紙乾去紙搥碎用黑牽牛子炒川大黃末乾
漆碎炒令烟盡各為細末已上各二兩巴豆霜一錢
半先用醋煎研砂令研研砂別研右為末同醋膏和
下巴豆霜煎參兩兩圓如棗豆大每服一二圓茶酒任下如要取化癥
瘕癖塊姜湯下七圓並食後服

聖劑總錄

治水瀉不止礶砂丸方

礶砂研

石硫黃

研各一分

鉛丹

研半兩

巴豆

去皮心出油盡一十四枚

右四味先將巴豆霜研細入諸藥同研細用粳米

飯為丸如小豆大水瀉新汲水下一丸赤白痢煎
乾姜甘草湯放冷下一丸吐瀉煎生姜木瓜湯放
冷下一丸白痢煎乾姜湯冷下一丸不拘時候

同 治水瀉不止黑神丸方

巴豆

一枚去皮心膜不出油

杏仁

七枚去雙尖炒

鑄墨

一錢

右三味同研極細以糯米粥和丸如稊米大每服
一丸冷水下立止甚者再服一丸

同 治水瀉不止立效丸方

鈇丹

炒半錢

草烏頭

一枚炮裂去臍皮

巴豆

三粒去皮心膜

出油盡炒

右三味先搗烏頭爲末與二味同研極勻以麩糊和丸如棗豆大每服一九煎陳粟米甘草烏梅湯放溫令下

同 治水瀉腸鳴鉞頭丸方

巴豆 一枚去皮膜

杏仁 一枚去皮尖二味皆針割火上燎令存性

右二味同細研約三百轉入大豆水一字再研一百轉麩糊和丸如鉞頭大每服一九新汲水下

同

治膿血痢通神丸方

沒藥 研

五靈脂 研

乳香 一錢

巴豆 去心皮膜

研出油五粒

右四味令勻滴水丸如粟米大每服一九生木瓜湯下不拘時

同 治赤白等痢巴豆丹砂丸方

巴豆 五粒去皮心麩砂

杏仁 七粒去皮雙人炒黃

右二入丹砂一錢同研極細以蒸餅爲丸如棗豆大每服一九至二九空心陳米飲下

同 治傷寒脚氣攻心腹脹小便赤澀大戟丸

大戟 炒

芫花 醋炒

苦葶 炒

苦葶 炒各半兩

續隨子 去皮炒

巴豆 去皮心壓去油盡別研各一分

右五味搗羅四味為細末入巴豆和研勻鍊蜜和
丸如梧桐子大每服三丸至五丸溫米飲下不計
時候

同 治喉痺危急者萬金單方

巴豆 一枚和皮以紙裹
當中腰截斷

右一味以線繫分塞左右鼻竅中薰之須臾喉通
即取出

同 治馬喉痺咽頰腫痛吐氣不快七聖散方

白礬 二錢 馬牙消 五錢 消石 一錢

鉛丹 三錢 礪砂 一錢 蛇蛻 半條 巴豆 兩枚
去殼

右七味先研白礬牙消礪砂三味入罐子內次入
消石次摻鉛丹於上面只用平瓦一小片蓋以慢
火蓋安穩仰卧其喉癰腫處自破立差

同 治小兒急疳及蝕唇鼻巴豆丸方

右一味冷水浸一宿去皮研與蠟為丸如梧桐子
大每用一丸含之仍吐其汁若誤嚥在喉中腫閉
塞吐利者急煎黃連湯及藍葉汁等解之

同 治小兒無辜疳腹脹氣喘四肢虛浮乍熱乍寒
或即瀉痢心腹堅痛救生丸方

巴豆 去皮取人半兩米醋一升生姜
半兩切同煮醋尽取巴豆爛研

雄黃半兩 丹砂一分

右三味合研勻以湯浸蒸餅心為丸如黃米大每日以芍藥湯下二丸

同 治因風致驚眼斜反張手足痠痲背急發搐雄黃丸

雄黃一分 巴豆去皮心膜醋熬令赤黃

鬱金末一分

右三味研勻鍊密丸如菉豆大每服五七丸荆芥湯下當服臨臥服若當病發煎槐膠薄荷酒調下一錢或半錢當吐利風涎痰涕等小兒每服一九

至二丸冷荆芥湯下以利為效仍節乳食無令兒飽

同 治鬼瘡丹雄丸方

丹砂一錢 膩粉三錢 巴豆七粒 乳香

麝香研 雄黃研 砒霜各半錢

右七味研為末水浸炊餅心為丸如梧桐子大每服一丸發前新汲水下只一服差

同 治上氣喘急心胸滿悶降氣散方

青橘皮湯浸去白 巴豆十四枚

右二味同一處炒令巴豆焦赤取青橘皮擣為細

末巴豆不用每服一錢匕濃煎丁香湯調下不計時候量虛實加減服

同 治上氣胸滿腹脹精神倦怠沉香丸方

沉香剉 丁香各半兩 巴豆七枚 去皮 杏仁七枚 去皮

右五味搗研為細末糯米粥和丸棗豆大每服三丸至五丸生薑湯下不拘時服

同 治鬼注如中惡氣急腹脹滿如鼓攻心即不可

救迴生丸方

巴豆去皮心膜 去油十枚 雄黃水飛研 半兩

右二味同研麵糊丸如雞頭實大陰乾每服一丸

新汲水下

同 治一切積滯痰逆惡心吐瀉霍亂膈氣痞滿脇

肋積塊胸膈膨悶嘔噦心疼泄瀉下利積氣丸方

大戟 龍膽 木香各半兩 杏仁去皮尖 雙入炒

研代赭煨醋 淬 赤石脂水飛研 各一兩 巴豆去皮心 膜研出

油一錢 一字

右七味搗研為末合研極細以麵糊丸如梧桐子大陰干經十日方可服每服三丸至五丸木香湯下溫熟水亦得

同 治一切積滯宿食不消痰逆惡心吐瀉霍亂膈

痞滿脇肋膨悶嘔噦心疼泄痢宜服積氣丸方

代赭研 赤石脂研各 大戟 木香

龍膽各半 杏仁湯浸去皮尖 巴豆去皮心

油為霜三十粒

右七味除別研外擣羅為末入杏仁巴豆霜同研
勻用麵糊丸如梧桐子大每服三丸食後臨卧木
香湯下

同 治嘔吐輒紅丸方

丹砂研 砒霜研各 烟脂一分 巴豆七粒

右四味研細鎔蠟少許入油三兩滴和藥為劑以

油單裹之大人旋丸如棗豆大小兒如芥子濃煎
槐花甘艸湯放溫下一丸勿熱食半時久

同 治小兒中惡心痛辟邪氣雄黃丸方

雄黃研 真珠研各 麝香研半 牛黃如棗

巴豆四拾枚去皮膜

右五味除棗外同研為末入棗膏和少許蜜塗白
中擣一千杵丸如粟米大二歲兒每服三丸薄
荷湯下空心午後各一服量兒大小以意加減

本事方 治急中風口閉涎上欲垂死者一服即差

巴豆二粒去皮膜 白礬一塊如大拇

右二味於新瓦上煨令江子焦赤為末煉蜜丸如雞頭大每服一圓用綿裹於患人口中近喉如良久吐痰立效

醫說 李翰林天台人有莫生患喘病求醫李云病日久我與治之乃取青橘皮一片展開入江子一箇將麻綿繫定火土燒烟尽留性為末生姜汁酒一大鍾呷之過口便定神方也 名醫錄

百一選方
靈砂丹 治飲食所傷一切積滯或痢赤白不差者赤甘艸湯下白干姜湯下赤白干姜甘艸湯下

酒食所傷及暴瀉白湯下並食後臨卧服

辰砂 細研

硃砂 研細各二錢

巴豆 去皮殼完全者四十九箇

黃蠟 半兩

右先將蠟於銀石器內熱溶次投巴豆在內碟令令黑瀝出不用只將黃蠟入前二味為挺子要時旋元大人服菉豆大七元小兒量歲數大小加減老人小兒產婦皆可服最治酒飲今人旋痢藥者以黃丹代辰砂亦驗本事方治瀉痢所用巴豆數不同其說病症甚詳

幼幼新書

惠眼治欬嗽傷寒涎壅發嗽杏仁散

杏仁 巴豆 半夏 皂莢

銅青

等分入甘鍋揀泥固濟煨勿走藥氣末薑蜜湯調半錢或一字

同

醫局解毒雄黃丸治纏喉風急喉痺卒仆不語或牙緊不省人事

雄黃 飛 鬱金 各一 巴豆 淨霜二十

末醋糊丸如棗豆熱茶清下七丸吐頑涎立省未

吐再服亦治走馬喉閉不省人事急以刀尺鐵匙
幹開口灌之藥下喉無不活吐瀉無妨上膈壅熱
痰涎不利咽喉腫痛赤眼癰腫一切毒熱並宜如
兒喉嚨赤腫及驚痰壅熱塞量服二三丸

蘇沉良方

消食化氣止瀉腹中諸冷疾褐丸

烏頭 炮去 桂 香附子 微炮 乾姜 炮

陳橘皮 微炮

右先用川巴豆取肉麻油內慢火煎自旦及午候
巴如皂子色即止淨拭冷水中浸兩日日再換水

又拭乾研如油極細須研一日方可用以鐵匙刮
出薄攤新瓦上如一重紙厚候一復時以鐵匙刮
下再研極細每巴豆霜一兩卽諸藥各五兩爲細
三因方

水浸丹 治伏暑傷冷熱不調霍亂吐利口乾煩
渴

黃丹一兩一分 巴豆二十五個
去皮心

右同研勻用黃蠟鎔作汁和爲丸如梧子大每服
五丸以水浸少頃別以新汲水吞下不以時候

同

五百丸 治宿食留飲聚積中脘噫臭吞酸心腹
疼痛并療中虛積聚及臟腑殞泄赤白痢下

丁香 巴豆去皮 縮砂仁 胡椒

烏梅

右件各一伯箇爲細末炊餅糊爲丸如菉豆大每
服五七丸熟水下食後臨卧服

本草衍義

鄰家一小兒方二歲偶失照管壯熱喘籠不食多
睡仰頭呻吟微嘔睚目多驚凡三五日醫作慢
驚治之治不對病不愈忽然其母誤將有巴豆食

單方異義

藥作驚藥化五丸如麻子大嚙之良久大吐有物
噎於喉中乳媪以指搗出之約長三寸齷如小指
乃三日前臨階曝者乾箭筍是夜諸證皆定次日
但以和氣藥調治遂安其難化也如此經曰問而
知之者謂之工小兒不能問故為難治醫者當審
謹也

錢氏小兒直訣

真珠圓 取小兒虛中一切積聚驚涎宿食乳癖
治大小便澁滯療腹脹行滯氣
木香 白丁香 丁香 巴豆仁十四箇水

浸一宿 輕粉各五分 白滑石末二分

右為末研勻濕紙裹燒粟米飯圓麻子大一歲一
圓八九歲已上至十五歲服八圓炮皂子煎湯放
冷下挾風熱難動者先服涼藥一服乳癖者減圓
數隔日臨卧一服

單方彙義 畢

遺精白濁俱一服

此丸專治精滑遺泄赤白帶下藥一服其效如神

同入此丸白土至十五粒入則其效如神

亦能未病者服之能強身補氣

此丸之神效如神

